

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) i Ligjit për mbrojtjen e konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16 dhe 83/18), si dhe në bazë të njoftimit për përqendrim i parashtruar nga Valteh S.E. (Valtech S.E.) me seli të regjistruar në 28/30 bulevardin Jozef II, 1840 Luksemburg (28/30 boulevard Joseph II, 1840 Luxembourg), dorëzuar përmes Shoqërisë së Avokateve Çakmakova Avokatë nga Shkupi, në seancën e mbajtur më 17.03.2021, mori këtë:

AKTVENDIM

1. Vërtetohet se përqendrimi me të cilin Valteh S.E. (Valtech S.E.) me seli të regjistruar në 28/30 bulevardin Jozef II, 1840 Luksemburg (28/30 boulevard Joseph II, 1840 Luxembourg), fiton kontroll të plotë mbi Kodfler AG (codeflair AG) me seli të regjistruar në rr. Dornakershtrase 230, 4053 Bazel, Zvicër, (Dornacherstrasse 230, 4053 Basel, Switzerland), megjithëse bie nën dispozitat e Ligjit për mbrojtjen e konkurrencës nuk do të ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve dhe **është në pajtim me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

2. Parashtruesi i njoftimit për përqendrim obligohet të paguaj taksë administrative për njoftimin e përqendrimit në shumë prej 6 000,00 den. si dhe për Vendimin në shumën prej 30.000,00 den, sipas numrit tarifor 34 të Ligjit për taksa administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 и 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogaria e pagesës 840.....03161, kodi i të ardhurave dhe programi 72231300.

3. Padia për ngritjen e kontestit administrativ nuk e prolongon zbatimin e aktvendimit.

Arsyetim

Në pajtim me nenin 15 të Ligjit për mbrojtjen e konkurrencës, me datë 15.02.2021, në Komisionin për Mbrojtjen e Konkurrencës (në tekstin e mëtutjeshëm: Komisioni) është dorëzuar një njoftim për

përqendrim nga Valteh S.E. (Valtech S.E.) me seli të regjistruar në 28/30 bulevardin Jozef II, 1840 Luksemburg (28/30 boulevard Joseph II, 1840 Luxembourg), fiton kontroll të plotë mbi Kodfler AG (codeflair AG) me seli të regjistruar në rr. Dornakershtrase 230, 4053 Bazel, Zvicër, (Dornacherstrasse 230, 4053 Basel, Switzerland).

Komisioni filloi shqyrtimin e Njoftimit nga dita e pranimit të tij dhe në bazë të dhënave të paraqitura në Njoftimin për përqendrim dhe shtojcat e tij, konstatoi si në vijim:

VALTEH S.E. (Valtech S.E.) u themelua dhe ekziston sipas ligjeve të Luksemburgut, me seli të regjistruar në bulevardin 28/30 Josef II, 1840 Luksemburg ((28/30 boulevard Joseph II, 1840 Luxembourg). Aktivitetet e biznesit të Valtech S.E. janë në fushën e teknologjisë së informacionit dhe përfshijnë ofrimin e shërbimeve si: strategjia e përvojës së konsumatorit, platforma e tregtisë elektronike, shërbimet përkatëse, krijimi i përmbajtjes dhe fushatat, shkenca e të dhënave (Data science) dhe inteligjenca artificiale (AI).

VALTEH S.E. (Valtech S.E.) nuk ka shoqëri të varura në Republikën e Maqedonisë së Veriut, e as nuk realizon të ardhura nga shitjet.

Kodfler AG (codeflair AG), që është themeluar dhe ekziston sipas ligjeve të Zvicrës, me seli të regjistruar në rr. Dornakershtrase 230, 4053 Bazel, Zvicër (Dornacherstrasse 230, 4053 Basel, Switzerland). Aktivitetet e biznesit të Kodfler AG janë në fushën e teknologjisë së informacionit dhe përfshijnë shërbime e këshillimit dhe zhvillimin e zgjidhjeve softuerike të biznesit në internet (kryesisht faqet e internetit).

Kodfler AG(codeflair AG) ka shoqëri të varur në Maqedoninë e Veriut KODFLER SHPKNJ

Shkup, me seli të regjistruar në rr. 1732 nr. 4, lamella A - ndërtesa 1, hyrja 1 / kati përdhes, numri 2,1000 Shkup, Republika e Maqedonisë së Veriut, me aktivitetin e saj: programim kompjuterik.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht do të përcaktojë se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do të ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij , veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjet juridik

Kundër këtij aktvendimi mund të parashtrohet padi për ngritje të kontestit administrativ në Gjykatën Administrative në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURRENCËS
Prof. Dr. Vlladimir Naumovski